



23. januar 2007

Inatsisartut Suleriaasissaanni § 36 imm. 1 naapertorlugu apeqqutit uku Naalakkersuisunut apeqquti-gaakka:

Naalakkersuisunut apeqqutit Oqaatsinik Pikkorissarfik pillugu.

(Inatsisartuni ilaasortaq Lene Knüppel, Demokraatit)

Pissutigisaq:

Aviisimi Sermitsiami tallimannngornermi 19. januar 2007 allaatigisat tunngavigalugit kiisalu Oqaat-sinik Pikkorissarfiup ituanit akissut aamma tunngavigalugu apeqqutit ataani allattorsimasut akeq-quakka pineqartup annertunerusumik nassuiarneqarnissaa itisilerneqarnissaalu siunertaralugit.

1. 2006-imi Oqaatsinik Pikkorissarfiup atuinera ataatsimoortillugit missingersuusiamut naleq-qiullugit qanoq angitigiva?
2. Oqaatsinik Pikkorissarfiup siulersuisui qanoq piginnaatitaappat pisinnaatitaallutillu?
3. Qanga Oqaatsinik Pikkorissarfiup siulersuisui kingullermik ataatsimiippat?
4. 2006-imi siulersuisut qasseriartutik ataatsimiippat qangalu?
5. Oqaatsinik Pikkorissarfimmi sulisuusimasunit pikkorissarfiup siulersornera pillugu maalaaruteqartoqarsimanerluni?
 - a. Taamaattoqarsimappat, maalaarutit taakku isumagineqarsimappat?
 - i. Taamaassimappat, isumagineqarnerit qanoq inerneqarsimappat?
6. Pikkorissarnerit/ ilinniarnert qassit 2006-imi ingerlanneqarsimappat pikkorissartut qanoq amerlatigisut peqataasoralugit?
7. Pikkorissarnissaraluit qassit 2006-imi taamaatiinnarneqarsimappat? Suullu peqqutigalugit?
8. Ilumoorpa, aviisimi Sermitsiami saqquminera naapertorlugu, nutserisunngorniani ilinniartuusut karakterimik 5-imik nalilerneqartutik angusitinneqarsimasut naak 6 angusinissamut piumasqaataagaluartoq?
 - a. Taamaassimappat, taava kiap tamanna akisussaaffigaa?
9. Ilumoorpa, aviisimi Sermitsiami saqquminera naapertorlugu, ilinniartup ilinniarnini ingerlateqqissinnaasimagaa uffa 40 %-imik angitigisumik najuussimannikkaluarluni?
 - a. Taamaassimappat, taava kiap tamanna akisussaaffigaa?
10. Oqaatsinik Pikkorissarfimmi sulisut taarserarnerat 2006-ip ingerlanerani qanoq annertutigi-simava?
11. Sulisut taarserarnerat isumaliutiginninnissamut suliniuteqalernissamullu periarfissiisimappat?
12. Naalakkersuisut allanik pineqartumut attuumassutilinnik paasissutissiisinnaanerlutik?

Apeqqutit ullumikkumit ullut 14 qaangiutsinnagit akeqquneqarput.